

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR**

Broj: 01-03-6081-7/16

Dana, 29.11.2016. godine

Sarajevo, Vrazova br. 11

Na osnovu člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" br. 40/13) i člana 69. stav 2. tačka (e) Zakona o javnim nabavkama ("Službeni glasnik BiH" br. 39/14) i Zapisnika Komisije za javne nabavke broj 01-08-6081-6/16 od 29.11.2016. godine, generalni direktor donosi

**ODLUKU
o poništenju konkurentskog postupka
javne nabavke broj KZ-11/16**

I

Poništava se konkurentski postupak javne nabavke broj KZ-11/16 sa predmetom nabavke- **lijekovi, otopine i vakcine.**

II

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj 01-03-6081/16 od 28.09.2016. godine o pokretanju postupka javne nabavke broj KZ- 11/16, pokrenut je konkurentski postupak sa predmetom nabavke **lijekova, otopina i vakcina** a za potrebe Javne ustanove Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 03.10.2016. godine pod brojem 29-7-1-56-3-61/16.

Procijenjena vrijednost nabavke u konkurentskom postupku 11/16 bez PDV-a je 40.000,00 KM.

Lot 1. – Lijekovi i otopine

Oznaka iz JRJN – 33000000-0

Procijenjena vrijednost bez PDV-a za lot 1: **15.000,00 KM**

Lot 2. – Vakcine

Oznaka iz JRJN – 33000000-0

Procijenjena vrijednost bez PDV-a za lot 2 : **25.000,00 KM**

Odlukom o pokretanju konkurentskog postupka javne nabavke broj 11/16 planirano je nakon okončanja istog zaključiti ugovor u trajanju od 12 mjeseci.

Ugovorni organ proveo je aktivnosti vezane za nabavku u skladu sa odredbama Zakona o javnim nabavkama BiH.

Komisija za nabavku lijekova, otopina i vakcina je konstatovala da su pristigle dvije ponude, ponuđača **Pharma Maac i Apoteka Viva 7**.

Komisija je nakon otvaranja ponuda i iščitavanja cijena konstatovala da je jedina dostavljena ponuda za lot 1. – lijekovi i otpine, ponuđača Apoteka Viva 7 i da prelazi procijenjenu vrijednost ugovornog organa. Imajući u vidu navedeno komisija je konstatovala da ponuda nije prihvatljiva za ugovorni organ.

Za lot 2. – vakcine, dostavljene su dvije ponude Apoteka Viva 7 i Pharma Mac. Uvidom u obje dostavljene ponude, komisija konstatuje da značajno prelaze procijenjenu vrijednost ugovornog organa. Iz obje ponude se dalo zaključiti da su ponuđene cijene vrijednosti date po pakovanju, a u specifikaciji je naznačeno kao jedinica mjere komad. Iz navedenog razloga pretpostavka je da je došlo do velikog odstupanja i razlike u procijenjenoj i ponuđenoj vrijednosti.

Shodno navedenom i u skladu sa članom 69. stav 2. tačka (e) Zakona o javnim nabavkama komisija je obje ponude ocijenila kao neprihvatljive.

Imajući u vidu gore navedeno donesena je odluka kao u dispozitivu.

Dostaviti:

- **Pharma Maac d.o.o.**
Ul. Bačići bb- 71 000 Sarajevo
- **Apoteka Viva 7 d.o.o.**
Ul. Ivana Franje Jukića 6 – Ilijaš
71 000 Sarajevo
- Javne nabavke
- a/a

